



40462

I


Mag. St. Dr.

P

*ecclesiastica**Fol. 3131.*

*Sarbiewski Mathias Casim; Oratio
panegyrica habita in solenni cor-
poris S. Casimiri translatione —*

Vilnae typis acad. 1636.



ORATIO

PANEGYRICA HABITA

In Præsentia

Serenissimi ac Inuietissimi.

VLADISLAI IV.

POLONIÆ & SVECIAE

REGIS.

A R. P. MATTHIA CASIMIRO
SARBIEWSKI

Societatis IESV, S. Theologiae Doctore, & Sacrae
Regiae Maiestatis Concionatore.

In Solenni Corporis D. CASIMIRI

Translatione, priusquam publicâ Processione

per Urbis VILNAE plateas in Regium Cathedra-

dralis Templi Sacellum deferretur.

Anno 16, 6^{to} 14. Augusti.




VILNAE, Typis Academicis Societatis IESV,
Anno Domini 1636.

40462

I

ORATIO

PANEGYRICA.

 *Uod à Deo Optimo Maximo, Diuisq; Regni Poloniae, ac Magni huius Ducatus Lituaniae, ac praeipue ab ipso amplissimo huius Urbis Indigere ac Patrono D. Casimiro, conceptis votis ac desideriis precati sumus, ut, quemadmodum magnus Illius ac sacer animus iam pridem in certa aliqua immortalitatis sede conquieuit, ita Virgineum Eius integerrimumq; Corpus, in augustum aliquod ac fixum Mausoleum, solennibus ceremoniis, ac festis supplicationis pompâ deportaretur, id nos hodiernâ die consequi demum, collecto in hanc principem Basilicam, Effuso ad has sanctissimas Aras gaudio, letamur universi. Quod enim SIGISMUNDVS III. cum magnificentissima illius CA-*

SIMIRIANÆ adis fundamenta iace-
ret; quod ZACHARIAS VI-
CENTINVS, EPISCOPVS
GARDIENSIS Summi Pontificis
Legatus, cū Diuo ipsi CASIMIRO
sacros ritus ac religiones procuraret; quod
BENEDICTVS WOINA Prae-
sul Vilnensis, cū consecrationis eius La-
barum huic templo inferret, cognitione ac
notis destinant, hoc fortunatissimis
VLADISLAI IV. Regis Inuictis-
simi auspiciis, hoc MARII PHI-
LONARDI Nuncij Apostolici opta-
tissimā presentiā, hoc ABRAMI
WOINÆ Vilnensis Antistitis vigi-
lantissimis studiis atque curis, hodiernā die
in hac tanta omnium ordinum atq̃ ata-
tum frequentia confici demum ac prestigi-
ari videmus. Stat nobis prae oculis sacra
Diuo CASIMIRO non, hac modò
temporis ac Stationis, verū etiam illa do-
micilij & quietis augusta moles, formā in-
signis, artificio illustris, opere singularis,
omni

omni genere peregrini marmoris, politissi-
miq; lapidis conuestita, dignum. Regiâ
magnificentia, dignum tanti temporis ex-
spectatione, dignum maximis impensis o-
pus, quod ita lateri templi huius inhaeret,
ut gemma annulo; ita hanc principem
Lituanie Arcem atq; Urbem condecorat,
ut corona caput; ita Magnum hunc Li-
tuania Ducatum illustrat, ut Sol Vniuer-
sum. Jacent interim pre oculis paulò an-
tè è terra erute, & sub hoc angusto tholo
collocata mortales Diui CASIMIRI
exuuie, beata illius mentis sedes, innocen-
tis animi domicilium, virtutis officina, tro-
phæum castitatis per Urbis Vilna plateas,
non vestris magis, piissimi Sacerdotes bra-
chiis, quàm totius Lituanie suspiriis ac vo-
tis deportandum. O gloriam virtutis! ô
triumphum Humilitatis! ô nunquam diu
ignotam, & iacentem in terris Sanctita-
tem! Nunc enim demum. intelligimus,
sanctissime Princeps CASIMIRE,
quorsum Tua illa prestans virtus, quor-

sum humilitas, quorsum omnium opum atq
honorum contemptus pertinuerit, quò eua-
serit. Memini enim, memini, quoties pre-
clara adolescentie Tuae gesta recolo, cum
Tu in hac arce regia, quietâ iam, & in so-
porem cõpositâ aulâ, Te regio delicatog le-
cto proriperes, & hoc ipsum Virgineû Cor-
pus, quod ante nos positum veneramur, in
oculis supreme Maiestatis humi abijceres,
multasq; horas supplex ac lachrymabûdus,
iaceres. Memini etiam, memini, & quoties
religiosissima huius Basilica porticum in-
gredior, non sine sacro quodam, ac pio men-
tis horrore recordor, cum Tu ex summa ar-
ce, ex intimo Tuo cubiculo, intempesta noctis
silentio, solus, tremulus, atq; horrens, densis
duntaxat tenebris comitatus ac tectus, ad
hoc ipsum Templi vestibulum descenderes,
ad has valvas hoc ipsum Regium Corpus
humu prosterneres, & Divina reuerentie,
Tuiq; demissionis studio caelestem illû vul-
tum in pulvere versares, quem totius Vbis
pedes intulissent. Itaq; qui tunc ad limen
delu-

delubri huius supplex atq̃ humilis iacuisti,
nunc sub hoc sublimi Basilica tholo recum-
bis: qui solus atque incomitatus lucem ac
gloriam pietatis Tuae silentio noctis ac so-
litudine tegebas, nunc oculis omnium ac ve-
nerationi pates: qui Te tunc humi abie-
ctum, ac, si liceret, sub Urbis huius pedi-
bus positum gestiebas, paulò pòst sub illius
angustissimi Mausolei tectum, totius
Urbis humeris deportabere.

Non hæc eò dico, Auditores, neq̃ is est
sensus orationis meæ, quasi hæc sint præ-
mia, hi honores, qui animo, qui Corpori
CASIMIRI præcipuè debeantur: al-
ia est enim gloria, alia merces, quæ beatif-
sima illi menti, posteaquam è corpore ex-
cessit, meritò tribuitur, alij triumphus hoc
castissimum Corpus in cælo manent, quorū
hodierna hæc pompa, umbra quadam est,
Et fugitiua ac brevis imago. Erit enim
tempus, erit, Auditores, cū hoc idem
Corpus, non argenteo loculo reconditum,
sed sincerâ atque innubilâ immortalitatis
luce

luce perfusum; non per puluerulentas Urbis
alicuius plateas sed per vicos celestis Hieru-
salem, gemmis atque auro collucentes;
non sub arcubus temporariis, sed sub smar-
agdinis sapphirinisq; porticibus; non in-
ter breues, ac citò morituros symphonie so-
nos sed inter immortales choros; neq; trans-
itorio, sed perenni triumpho; neq; sub ali-
quod caducum Mausoleum, sed in æter-
num Beatorum Capitolium deuebetur. Si
que tamen est inter animos ac Corpora
Beatorum necessitudo; si quis inter celum
ac terras consensus, si que apud immorta-
les animos mortalium rerum cura atque
sensus; si que etiam inter Deum sanctissi-
masq; Mentis amicitia, profectò ego hanc
hodiernam publicæ supplicationis pom-
pam, gratam esse inprimis Deo, gratam
augustissimæ Virgini Matri, gratam Di-
uis Tutelaribus nostris, nobis verò non iu-
cundam modò, verum etiam utilem futu-
ram reor, ac salutarem. Quid enim in-
primis carius esse possit præstantissima illi
supre-

supremæq; Nature, quàm eos vel maximè
publicæ gratulationis obsequio & honore
coli, qui eius reuerentiâ opes omnes, omnes
honores repudiârunt? repudiavit CASI-
MIRVS. Quid æquius videri debeat,
quàm Corpus illud in triumpho de ferri, in
quo quisquam de voluptate, teterremo no-
stro Diuinoq; hoste triumphauerit? trium-
phauit CASIMIRVS. Quid deniq;
Diuina amicitia conuenientius cense-
ri possit, quàm Corpus illud, publico honori ac
venerationi exponi, quod quisquam amore
eiusdem Numinis vigiliis, ieiuniis, cili-
ciis, flagellis, omnium rerum tolerantia ex-
ercuerit, morti deniq; ipsi exposuerit? ex-
posuit CASIMIRVS. Magnus ille
Macedo Alexander in amicissimi He-
phæstionis monumentum decem talentum
millia effudit, atque eius cadaver trium-
phali curru ad funus deduxit. Adria-
nus Imperator Publium Memmium in-
uictæ virtutis ac continentie virum, pom-

pa triumphali sepeluit. Antonio Perri-
naci, quod amore patriæ fortiter in præ-
lio occubuisse, Senatus Populusque Ro-
manus, supplicationes ad Deorum o-
mnium puluina, ac triumphum de-
creuit. Quod igitur humana amicitia
rationes, quod præstantia Heroum isto-
rum merita perfecerunt, ut bonos animis
debitus, redundaret in corpora, hoc cele-
stis illa ac Diuina amicitia non præsta-
bit, ut vel in ipsis mortalibus exuiuis
triumphent, qui eas amore virtutis, præ-
cipuèque castitatis exuissent? Quare
neque istud mihi fortunâ, aut humano
duntaxat consilio euenisse videtur, sed
eximio Augustissimæ Virginis Matris fa-
uori, meritisq; CASIMIRI tribu-
tum, quod hæc Casimiriana pompa in-
eius dici per uigilio peragatur, quo ipsius
Virginis Matris sanctissimum Corpus in-
ter triumphales Beatorum choros in calum-
delatum est: ut Casimiriana pompa
M.

Mariane additamentum quoddam esset,
ac Prelusio. OMNI Tu quidem DIE
dicendas MARIÆ laudes censuisti
Sanctissime Clienſ CASIMIRE:
OMNI DIE EIVS FESTA,
EIVS GESTA coluisti splendidissi-
ma: at Augustissima DEI Mater
eius Te dici, eius festi socium, partici-
pemque effecit, quo illius intaminata
Virginitas continuato ē terris ad calum
triumpho euolauit.

Quid iam de ceteris Tutelaribus Diuis
censuris, Auditores? quā grata illis,
quāq̃ iucunda est magnificentissime hu-
ius supplicationis celebritas? Dubitare-
ne potestis eos ex celsissima illa beatitatis
specula hodiernā die in hanc Urbem pro-
spectare? hanc tantam frequentiam ve-
stram, hac omnium Ordinum ac societa-
tum vexilla contueri? Deus immortalis!
quanto gaudio domestico huic spectaculo
interest, Diuus ille STANISLAVS

Cracouiensis Presul ac Martyr, huius
edis Patronus ac Preses? quo deinde
vultu? quâ alacritate ad hanc honoris
pompa[m] sese effundunt ceteri Regni Po-
loniæ, Magniq[ue] Duc. Lituaniæ Tute-
lares, AD ALBERTVS, VEN-
CESLAUS, HYACINTHVS
alterq[ue] STANISLAUS KOSTKA,
qui hodiernam mortis suæ diem in trium-
phum, CASIMIRO commodauit?
Quid? nonne in hoc eodem templo im-
pressa à CASIMIRO sanctitatis
vestigia indigitant, atque recensent?
Hic CASIMIRVS pius uberibusq[ue]
lachrymis solum rigabat. hic affusus ad
limen edis huius totas noctes iacuit: hic
afflictis egentibusque largum es partic-
batur. hic cum incruenta altaris myste-
ria peragerentur, sui ipsius corporis, ac
pene mentis exul, Diuinæ incolæ, cele-
stis voluptatis fluentia bibit. Quod si
antiquos illos JAGELLONIDAS
illos,

illos, illos Poloni Lituaniq; generis Re-
ges atque heroes in celestes iam regiones
receptos credimus, prout credere certè pro
singularibus eorum meritis possumus :
spectat è celo Magnus ille JAGEL-
LO VLADISLAVS nepotem,
suum CASIMIRVM : spectat
VLADISLAVS eius nominis III.
Rex Polonia atque Hungaria pro focis &
aris Christianis gloriose ad Varnam . à
Turcis interfectus , Fratris filium : spe-
ctat Andreas ipse Rex Polonia CASI-
MIRVS filium : spectat VLA-
DISLAVS Rex Bohemia atq; HVN-
GARIE , spectant JOANNES
ALBERTVS , ALEXANDER,
ac SIGISMVNDVS Reges Polo-
nia fortunatissimi fratrem suum , non
magis in hoc triumphali ferculo , quàm
in animis omnium nostrum ac pietate , o-
uantem , & triumphantem.

Beatum te SIGISMVNDE III.

Rex gloriosissime! tu præcipuè in hac inclyta Regum maiorumque tuorum corona gesties, cum VLADISLAVM IV. VLADISLAVM (inquam) tuum, non tui magis sanguinis, quàm virtutis, non sceptri magis, quàm gladij heredem, neque regni tantum, verum etiam pietatis vicarium adspicies sanctissimas Proavi sui reliquias per hanc Urbem summo cultu ac veneratione prosequentem, & sub illud ornatissimum Mausoleum, cui tu fundamentum, ille culmen atque ornatum dedit religiosissimè inuehentem! Certabit enim hodiernâ die VLADISLAVS IV. cum antiquis illis Christiani nominis Regibus, atque HEROIBVS non iam de bellicis triumphis, sed de pietatis ac religionis officiis: & quod olim publice supplicationis ac pompæ officium præstitit Theodosius CHRYSOSTOMO, Clodovæus Dionysio, Luitprandus Augustino, Carolomannus Thebao, (sed quid
extera

extera atque antiqua commemoro) quod
BOLESŁAVS ille noster CHA-
BRI Adalberto; quod ULADISŁ-
SLAVS princeps Sianisłao; quod Ma-
gnus Casimirus Florianus, hoc pulcherrimā
quadam felicitatis atque religionis amu-
latione ULADISŁAVS IV. pra-
stabit CASIMIRO. Neque interim
ULADISŁAL pietati deerit CA-
SIMIRI fauor, & non illi duntaxat,
sed etiam huic uniuersae VRBI, hanc
hodiernae gratulationis atque honoris pom-
pam, faustam volet esse ac propitiam.
Ibis enim Sanctissime Princeps CASI-
MIRE, p̄ijsq; sacerdotum lacertis sub-
uectus, ac lumen huius Basilicae egressus,
amplissimum in primis palatium, ornatis-
simam Lituaniae Regiam inuisit: nonne
et loco secundam aliquam felicitatis au-
ram afflabis, quem innocentia, quem
pietate, quem vitā integerrimā, quem
sanctissimā morte consecrasti? Lustra-
bis

his deinde dextrum Arcis latus, Regij Tribunalis sedem, legum ac iudiciorum domicilium. nonne huic quoq; loco genium aliquem benignitatis Tuae adspirabis, quo afflitos egentesq; homines, quo viduas, quo pupillos ab improborum iniurijs, ac rapinis vindicabis? Digressus ab Arce principem Urbis plateam sacris Prelatorum domibus illustrem circumspicies. nonne in illis pristinam pietatis flammam exsuscitabis, quam olim apud eorum maiores accenderas, cum in hac ade sacris eorum diurnis nocturnisq; cantibus quotidie interesses? Diui tandem Joannis maximum templum ac florentissimam Urbis huius Magni Ducatus Academiam pratergrediere. nonne Lituanæ Juuentuti suauissimum Castitatis odorem affundes, cui omnem aetatem, mortem etiam ipsam in preclarum innocentie exemplum impendisti? Longius paulò post spatium emensus in amplissi-

plissimo Urbis foro consistes, Et hinc curiam ac pratorium ciuitatis, inde augustissimum sumptuosissimumq; templum tuo nomini consecratum, ac piis huius Urbis atque Ducatus donariis a minima nostra Societate erectum contemplabere, nonne Urbi ipsi, nonne Ducatui secunda omnia ac propitia, nonne Societati precabere? Sed quid ego beneficia Tua, quae hodie Urbi huic impensurus es, quasi per Stationes recenseo? Quamcumq; domum praeterieris, quacumq; constiteris loco, quocumq; inter festos letosq; cantus progrediêre, nonne diu post Te duratura vestigia communis salutis atque incolumitatis imprimes? Scande iam castos sacerdotum humeros Castissime Princeps CASSIMIRE. Et dum magnâ Tui parte portaberis, Ipse VLADISLAI IV. Regis Inuictissimi vota attolle; Ipse spes Senatus Populiq; Poloni atque Lituani sustenta; Ipse fulci desideria populorum,

ut Te Preside atque Patrono, hac incl-
ta Patria, quam Tu communem no-
biscum agnoscis ac veneraris parentem,
hoc Septentrionis decus, hoc Europa co-
lumen, hic orbis Christiani murus diu stet
incolumis, diu publice pacis tranquilli-
te fruatur, diu supremi numinis cul-
tu ac reuerentiâ floreat, diu V L A.

DIS L A I IV. Regis fortu-
natissimi immortalibus
ornetur triumphis.

DIXI.





